



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU STRANKE DIJASPORE BOSNE I HERCEGOVINE

Broj: 03-07-6-324/19  
Sarajevo, 16. septembar 2020. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole.....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE REVIZIJE .....	6
5.1 NALAZI.....	6
5.2. PREPORUKE .....	8

## MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Stranke dijaspore Bosne i Hercegovine za 2018. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Pregledom godišnjeg finansijskog izvještaja za 2018. godinu, utvrđeno je da je Stranka dijaspore Bosne i Hercegovine prekršila odredbe člana 4. stav (1), člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.**

**Pregledom, odnosno kontrolom finansijskih izvještaja, osim gornjih napomena nismo zapazili ništa značajno, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled finansijskog izvještaja Stranke dijaspore Bosne i Hercegovine za 2018. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2018. godinu, Stranka dijaspore Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica ( 3-a )	160,00	0,13
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	119.280,16	99,87
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>119.440,16</b>	<b>100,00</b>
<b>II</b>	<b>Ostali prihodi i drugo</b>	<b>0,00</b>	<b>0,00</b>
	<b>Izvori finansiranja (I+II)</b>	<b>119.440,16</b>	<b>100,00</b>

U godišnjem finansijskom izvještaju stranka je iskazala rashode u ukupnom iznosu od 107.716,77 KM.

## 2. PREDSTAVLJANJE POLITIČKE STRANKE

Naziv političke stranke je Stranka dijaspore Bosne i Hercegovine. Skraćeni naziv stranke je SDBiH.

Stranka je registrovana kod Općinskog suda u Sarajevu, rješenjem broj: 065-0-F1-09-000036 od 10.03.2010. godine. Rješenjem Općinskog suda u Sarajevu, broj: 065-0-F1-15-000011 od 31.07.2015. godine, upisana je promjena sjedišta stranke i lica ovlaštenog za zastupanje i predstavljanje stranke. Rješenjem Općinskog suda u Sarajevu, broj: 065-0-F1-16-000005 od 13.06.2016. godine, upisana je promjena sjedišta stranke i lica ovlaštenog za zastupanje i predstavljanje stranke. Rješenjem Općinskog suda u Sarajevu, broj: 065-0-F1-16-000015 od 10.10.2017. godine, upisana je promjena lica za zastupanje i predstavljanje stranke.

Stranka je na svojoj Skupštini dana 20.07.2019. godine donijela Odluku broj: 16-04/19 o prestanku rada Stranke dijaspore BiH, te je na osnovu navedene odluke podnijela Općinskom sudu u Sarajevu zahtjev za brisanje stranke iz sudskog registra, odnosno upis promjene u sudski registar: prestanak rada stranke.

Sjedište stranke je na Ilidži – Sarajevo, Senada Fazlića broj 58.

Lice ovlašćeno za zastupanje stranke u 2018. godini je Edim Fejzić, predsjednik stranke.

Lice ovlašćeno za podnošenje finansijskih izvještaja za 2018. godinu je Vasvija Harlač.

Prema podacima iz godišnjeg finansijskog izvještaja za 2018. godinu, organizacionu strukturu Stranke dijaspore Bosne i Hercegovine čine:

- Centrala stranke i
- 6 regionalnih odbora.

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Stranke dijaspore Bosne i Hercegovine za 2018. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

**Obim pregleda i kontrole** finansijskih izvještaja Stranke dijaspore Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja.

### **4. PRETHODNE KONTROLE I REVIZIJE**

Služba za reviziju je izvršila pregled i reviziju godišnjih finansijskih izvještaja Stranke dijaspore Bosne i Hercegovine od 2010. do 2017. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršene revizije godišnjeg finansijskog izvještaja za 2017. godinu, Služba za reviziju je izdala Izvještaj o reviziji godišnjeg finansijskog izvještaja Stranke dijaspore Bosne i Hercegovine sa mišljenjem revizora, nalazima revizije i preporukama stranci da finansijska sredstva obezbijedena za finansiranje stranke koristi isključivo za ostvarivanje ciljeva utvrđenih svojim programom i statutom, da poslovne knjige vodi u skladu sa računovodstvenim propisima, odnosno da vodi pravilne i potpune evidencije o prihodima, rashodima, obavezama i novčanim tokovima, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i da program utroška sredstava sačini po vrstama troškova, te prati njegovo izvršenje i vrši izvještavanje o ostvarenim troškovima u skladu sa članom 21., 22. i 23. Pravilnika o godišnjim finansijskim izvještajima političkih stranaka.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2018. godinu, utvrđeno je da Stranka dijaspore Bosne i Hercegovine nije ispoštovala preporuke revizije.

## 5. NALAZI I PREPORUKE REVIZIJE

### 5.1 NALAZI

#### a) Stranka dijaspore Bosne i Hercegovine je prekršila odredbe člana 4. stav (1) Zakona o finansiranju političkih stranaka<sup>1</sup>.

- (1) Planom utroška sredstava za 2018. godinu Stranka dijaspore Bosne i Hercegovine je na nivou stranke planirala troškove u iznosu od 116.332,00 KM, te od tog iznosa za potrebe finansiranja regionalnih odbora stranke 24.000,00 KM.

U poslovnim knjigama i finansijskom izvještaju za 2018. godinu iskazani su troškovi samo za Centralu stranke u iznosu od 107.716,77 KM, dok su sredstva za Centralu stranke planirana u iznosu od 92.332,00 KM.

Analizom dostavljenog Programa utroška sredstava utvrđeno je da isti nije sačinjen na način kojim bi se obezbijedila potpuna transparentnost planiranog trošenja sredstava, kao i njegova uporedba sa ostvarenim troškovima.

- (2) Pregledom finansijskog izvještaja i finansijske dokumentacije stranke utvrđeno je da je politička stranka, odnosno Centrala stranke sredstva u iznosu od 71.423,39 KM utrošila mimo svog finansijskog plana rashoda, odnosno programa utroška sredstava za 2018. godinu.

- Planom utroška sredstva stranka je planirala *Administrativne troškove, materijalne troškove kao i putne troškove* u iznosu od 8.000,00 KM, dok je za tu namjenu utrošila sredstva u iznosu od 15.291,56 KM, što je za 7.291,56 KM više od planiranog iznosa.
- *Edukacije članova i simpatizera stranke, kao i pomoć socijalno-ugroženim i bolesnim* planirala je u iznosu od 8.000,00 KM, a iste je ostvarila u iznosu od 11.760,26 KM, što je za 3.760,26 KM više u odnosu na planirane.
- U planu utroška sredstava stranka nije predvidjela sljedeće troškove: troškove reklame i propagande, troškove knjigovodstvenih usluga, troškove advokatskih usluga i sudske troškove, ugovore o djelu, troškove goriva i maziva i ostale troškove.

Stranka je u 2018. godini navedene troškove ostvarila u ukupnom iznosu od 60.371,57 KM, i to: troškove reklame i propagande u iznosu od 445,85 KM, troškove knjigovodstvenih usluga u iznosu od 3.300,00 KM, troškove advokatskih usluga i sudske troškove u iznosu od 4.612,16 KM, ugovore o djelu u iznosu od 21.325,00 KM, troškove goriva i maziva u iznosu od 27.408,79 KM i ostale troškove u iznosu od 3.279,77 KM.

S obzirom da stranka sredstva nije utrošila u skladu sa planom troškova za 2018. godinu, prekršila je odredbe člana 4. stav (1) Zakona o finansiranju političkih stranaka.

#### b) Stranka dijaspore Bosne i Hercegovine prekršila je odredbe člana 11. stav (1) i odredbe člana 12. stav (1) i stav (4) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja i dodatne dokumentacije, utvrđeno je da Stranka dijaspore Bosne i Hercegovine nije prijavila sve transakcijske račune, nije vodila evidencije o novčanim tokovima po transakcijskom računu Gradskog odbora Goražde, nije uspostavila potpune i tačne evidencije o svojim prihodima, rashodima i

---

<sup>1</sup> U skladu sa odredbom člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog zakona može koristiti isključivo za ostvarivanje ciljeva utvrđenih svojim programom i statutom.

obavezama, niti je godišnji finansijski izvještaj popunila u skladu sa odredbama Pravilnika o godišnjim finansijskim izvještajima političkih stranaka-u daljem tekstu: Pravilnik, čime su prekršene odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

(1) Uvidom u Izvještaj o računima pravnog lica koji se vodi kod Centralne banke BiH od 20.05.2019. godine, utvrđeno je da stranka na obrascu 2. finansijskog izvještaja nije prijavila sljedeće transakcijske račune kod UniCredit banke: račun broj: 3386902231834606, račun broj: 3387204854309325 i račun broj: 3387204806158525, čime je prekršila odredbe člana 11. Pravilnika.

(2) Stranka u obrascu 3-f finansijskog izvještaja (Prihodi iz budžeta) nije iskazala tačne prihode iz budžeta Bosansko-podrinjskog kantona, čime je prekršila odredbe člana 19. Pravilnika.

Uvidom u izvode sa transakcijskih računa Centrale stranke i Regionalnog odbora Goražde, utvrđeno je da je stranka iz budžeta Bosansko-podrinjskog kantona primila sredstva u iznosu od 4.101,60 KM.

U finansijskom izvještaju i poslovnim knjigama stranka je iskazala samo sredstva uplaćena iz budžeta Bosansko-podrinjskog kantona na transakcijski račun Centrale stranke u iznosu od 2.050,80 KM, dok sredstva u iznosu od 2.050,80 KM koja su uplaćena na transakcijski račun Regionalnog odbora Goražde stranka nije evidentirala u poslovnim knjigama i iskazala u finansijskom izvještaju.

(3) Pregledom godišnjeg finansijskog izvještaja, poslovnih knjiga i dodatne dokumentacije utvrđeno je da Stranka dijaspore Bosne i Hercegovine nije uspostavila potpune i tačne evidencije o rashodima stranke, te nije sve troškove iskazala u godišnjem finansijskom izvještaju u obrascima 4 (Ukupni rashodi) i 4.1 (Režijsko-administrativni i ostali troškovi) finansijskog izvještaja, čime je prekršila odredbe člana 21. i 22. Pravilnika.

- Uvidom u poslovne knjige stranke i izvode Regionalnog odbora Goražde, utvrđeno je da stranka nije evidentirala i u finansijskom izvještaju nije iskazala rashode Regionalnog odbora Goražde, dok je uvidom u izvode ovog odbora utvrđen ukupan promet izlaza na dan 06.09.2018. godine po transakcijskom računu u iznosu od 14.198,87 KM, a sa kojeg su između ostalog i plaćani troškovi ovog odbora.

- Uvidom u poslovne knjige utvrđeno je da stranka po osnovu *Naknada spoljnih saradnika* u 2018. godini isplatila novčana sredstva u iznosu od 21.525,00 KM. S obzirom da su novčana sredstva isplaćena fizičkim licima koja nisu zaposlena u stranci, navedene isplate imaju karakter ličnih primanja, na koja stranka nije obračunala niti platila porez na dohodak i doprinose.

- Pregledom poslovnih knjiga i ugovora o zakupu utvrđeno je da je stranka troškove zakupa poslovnog prostora u Goraždu iskazala u manjem iznosu za 954,80 KM u odnosu na ugovorenu cijenu zakupa sa Sarajevo osiguranjem.

(4) Uvidom u Presudu Općinskog suda u Sarajevu broj 65 0 P 650832 17P od 13.12.2018. godine utvrđeno je da je Stranka dijaspore BiH ima obavezu da po navedenoj presudi<sup>2</sup> isplati fizičkim licima novčana sredstva u ukupnom iznosu od 33.293,80 KM, kako slijedi: Džebrailu Bajramoviću u iznosu od 10.000,00 KM, Ismetu Bukvica u iznosu od 1.087,00 KM, Emiru Vižlinu u iznosu od 3.007,00 KM i Džemili Meštrovac u iznosu od 10.000,00 KM, te troškove parničnog postupka u iznosu od 9.199,80 KM.

---

<sup>2</sup> Prema podacima iz presude fizička lica su stranci u ranijem periodu dala novčane pozajmice stranci, a stranka iste nije vratila u ugovorenom periodu.

Pregledom finansijskog izvještaja utvrđeno je da stranka u svojim poslovnim knjigama i finansijskom izvještaju nije evidentirala i iskazala obavezu prema navedenim fizičkim licima, čime je prekršila odredbe člana 24. Pravilnika.

S obzirom na naprijed navedene činjenice kao i na činjenicu da stranka prilikom evidentiranja troškova u poslovnim knjigama ne stvara obavezu prema dobavljačima, evidentno je da stranka nema uvid niti tačne podatke o stanju svojih obaveza i troškova.

**c) Stranka dijaspore BiH je prekršila odredbe člana 12. stav (5) Zakona o finansiranju političkih stranaka.**

Dana 10.07.2020. godine, Centralna izborna komisija Bosne i Hercegovine je Stranci dijaspore BiH uputila Zahtjev za dostavljanje dodatne dokumentacije za 2018. godinu kojim je od stranke traženo da dostavi kopije izvoda sa transakcijskih računa kod UniCredit banke za period 01.01.-31.12.2018. godine: računa broj: 3386902231834606, računa broj: 3387204854309325 i računa broj: 3387204806158525.

Stranka nije postupila u skladu sa zahtjevom Centralne izborne komisije Bosne i Hercegovine, odnosno nije dostavila traženu dokumentaciju, čime je prekršila odredbe člana 12. stav (5) Zakona o finansiranju političkih stranaka.

**d) Bez kvalifikovanja revizijskog mišljenja, skrećemo pažnju na cijene usluga koje su pružene političkoj stranci.**

Uvidom u poslovne knjige utvrđeno je da je stranka u okviru troškova goriva evidentirala i troškove za zakup motornih vozila, odnosno evidentirala je isplaćene naknade, za dva fizička lica, za tu vrstu usluge.

S obzirom na visinu isplaćenih naknada, evidentno je da je Stranka dijaspore BiH izvršila nabavku usluga, odnosno uzela pod zakup dva putnička motorna vozila, po cijenama koje su neprimjereno visoke u odnosu na tržišne ili fer cijene.

Stranka je od Tatar Vedije iznajmila putničko motorno vozilo uz mjesečnu naknadu od 1.500,00 KM, te po tom osnovu ovom fizičkom licu isplatila iznos od 18.000,00 KM. Drugo motorno vozilo stranka je iznajmila od Edima Fejzića, takođe, uz mjesečnu naknadu od 1.500,00 KM, te po tom osnovu u 2018. godini isplatila ukupni iznos od 7.500,00 KM.

## **5.2. PREPORUKE**

***Preporučuje se Stranci dijaspore Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:***

- ***da finansijska sredstva obezbijedena za finansiranje stranke koristi isključivo za ostvarivanje ciljeva utvrđenih svojim programom i statutom,***
- ***da poslovne knjige vodi u skladu sa računovodstvenim propisima, odnosno da vodi pravilne i potpune evidencije o приходima, rashodima, obavezama i novčanim tokovima,***
- ***da finansijske izvještaje koje podnosi Centralnoj izornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka,***
- ***da dostavlja dodatnu dokumentaciju i***



- *da, imajući u vidu strukturu troškova stranke i činjenicu da se finansira isključivo iz budžeta, racionalnije troši finansijska sredstva.*

**KOMENTAR:**

Stranka dijaspore BiH nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2018. godinu.

Šef Odsjeka za revizijske poslove

Sanja Tošović

Revizor

Veliborka Kenjić

Šef Službe za reviziju

Mr.sc Hasida Gušić